

Broj: 01-04.1- /21  
Datum, 24.06.2021.godine

## Z A P I S N I K

sa 4. sjednice VI saziva Općinskog vijeća općine Gornji Vakuf – Uskoplje, održane 17. juna 2021. godine u Velikoj sali Općine Gornji Vakuf - Uskoplje, sa početkom u 10<sup>00</sup> sati.

Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijjić Senad, Pomoćnici načelnika – Milić Nikola, Šišić Suad, Matijanić Branko, VD direktora JU Centar za socijalni rad Musa Daria, direktorica JU Centar za obrazovanje i kulturu Nermina Gudić, direktor JU Apoteka Ivan Dundović, direktorica JU dječji vrtić „Zvončić“ Tijana Barnjak, Općinsko javno Pravobranilaštvo Bugojno Abdalajbegović Amela, Predsjednik OO SDA Gornji Vakuf Milanović Sedžad, predsjednik OO SBB Puljarga Sabahudin.

Sekretar općine Prijjić Senad, je izvršio prozivku prisutnih vijećnika, tako da su na sjednici bila prisutna 22 vijećnika i to: Karahodžić Alisa, Duratbegović Nijaz, Milanović Emir, Lelak Selvedin, Zahirović Armin, Duvnjak Majda, Brzika Amra, Šupčić Nesib, Muminović Elma - SDA, Novaković Ana ( otišla sa sjednice u 12<sup>48</sup> ), Batinić Goran, Krajina Marinko, Novaković Marin, Jurina Danijela, Posavac Ivo, Jurleta Franjo, Žuljević Ivica– vijećnici Hrvatske liste HDZ BiH, HDZ 1990, HSP BiH i HSS Stjepan Radić, Gekić Edin, Hajrić Amel ( izišao sa sjednice u 12<sup>50</sup> ), Kičin Kadir, Crnica Kenan – BH BLOK, Abazović Muris-SBB.

Opravdano odsutan Karamustafić Naser - BH Blok

Sjednicu je otvorio predsjednik Općinskog vijeća Gornji Vakuf – Uskoplje Batinić Goran, koji je pozdravio prisutne vijećnike i predložio je na usvajanje sljedeći

### DNEVNI RED:

1. Vijećnička pitanja
2. Usvajanje Zapisnika sa 3. redovne sjednice Općinskog vijeća Gornji Vakuf – Uskoplje
3. Izvještaj o radu Općinskog pravobranilaštva Bugojno za razdoblje od 01.01. do 30.06.2020.godine
4. Izvještaj o radu JU Centar za socijalni rad Gornji Vakuf-Uskoplje za 2020.godinu i Plan rada za 2021.godinu
5. Izvještaj o poslovanju i radu JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021.godinu
6. Izvještaj o poslovanju JU Dječji vrtić „Zvončić“ Gornji Vakuf-Uskoplje za 2020.godinu i Godišnji plan i Program rada za pedagošku 2020/2021.godinu
7. Izvještaj o radu JU Apoteka za 2020.godinu i Program rada za 2021.godinu
8. a) Izvještaj o radu JU Dom zdravlja za 2020.godinu i Plan rada za 2021.godinu  
b) Informacija o trenutnom zdravstvenom stanju na području Općine Gornji Vakuf-Uskoplje izazvane pandemijom COVID - 19
9. Izvještaj o izvršenju budžeta općine Gornji Vakuf-Uskoplje za razdoblje od 01.01. do 31.03.2021.godine
10. Program rada Općinskog načelnika za 2021. godinu
11. Nacrt Odluke o osnivanju općinskog pravobranilaštva Gornji Vakuf-Uskoplje
12. Prijedlog Odluke o naplati javnih parkirališta
13. Prijedlog Rješenja o razrješenju predsjednika Općinske izborne komisije

14. Prijedlog Odluke o pokretanju postupka za imenovanje predsjednika i jednog člana Općinske izborne komisije
15. Akti imovinsko pravne službe;
  - a) Prijedlog Zaključka o davanju saglasnosti za raskid ugovora o kupovini nekretnine za potrebe regionalne sanitarne deponije
  - b) Prijedlog Odluke o prodaji nekretnine označene kao k.č. 11/78 k.o. SP\_Gornji Vakuf (stari premjer), k.p. 1092/12 k.o. Gornji Vakuf (novi premjer)
  - c) Prijedlog Odluke o prodaji nekretnine označene kao k.č. 11/81 k.o. SP\_Gornji Vakuf (stari premjer), k.p. 1110/3 k.o. Gornji Vakuf (novi premjer)
  - d) Prijedlog Odluke o prodaji nekretnine označene kao k.č. 11/79 k.o. SP\_Gornji Vakuf (stari premjer), k.p. 1092/13 k.o. Gornji Vakuf (novi premjer)
  - e) Prijedlog Odluke o prodaji nekretnine označene kao k.č. 11/80 k.o. SP\_Gornji Vakuf (stari premjer), k.p. 1092/14 i k.p.1110/2 k.o. Gornji Vakuf (novi premjer)

Diskusije:

Crnica K.-BH Blok

- Predložemo dopunu dnevnog reda sa tačkom; *Prijedlog Odluke o direktnom medijskom prenosu sjednica Općinskog vijeća Gornji Vakuf-Uskoplje*
- I Vama je u interesu da građani vide šta radimo, da vide da smo zaslužili njihovo povjerenje
- Imam još jedan prijedlog dopune dnevnog reda, a to je; *Razgovori o narušenoj sigurnosnoj situaciji nastali uslijed političke krize u našoj općini*
- Možda bi dobro bilo da se zakaže tematska sjednica na kojoj bi se razgovaralo o narušenoj sigurnosnoj situaciji u našoj općini
- Treća nadopuna dnevnog reda bi glasila; *Informacija o gradnji nepoznatih objekata u selu Jeliči i ostalih objekata u MZ Voljevac*

Čaušević S.-Općinski načelnik

- Predložem dopunu dnevnog reda sa tačkom 9. koja glasi; *Prijedlog Rješenja o razrješenju UO JU Dom zdravlja Gornji Vakuf-Uskoplje*
- Također predložemo kao 10. tačku dnevnog reda pod nazivom; *Prijedlog Rješenja o imenovanju privremenog UO JU Dom zdravlja Gornji Vakuf-Uskoplje*
- Zbog dodatnih konsultacija povlačim 12. tačku dnevnog reda; *Prijedlog Odluke o naplati javnih parkirališta*

Batinić G.- predsjednik OV-a

- Želim Vas obavijestiti da u članu 63. Poslovnika o radu općinskog vijeća stoji;...*Ovlašteni predlagač može prije usvajanja dnevnog reda skinuti materijal s dnevnog reda o čemu se ne glasa*, prema tome skida se 12. tačka dnevnog reda na prijedlog ovlaštenog predlagača
- Sada ćemo se najprije izjasniti o prijedlozima izmjene dnevnog reda
- Dajem na glasanje prvi prijedlog BH Bloka da se uvrsti u dnevni red; *Prijedlog Odluke o direktnom medijskom prenosu sjednica Općinskog vijeća Gornji Vakuf-Uskoplje*

*Prijedlog Odluke o direktnom medijskom prenosu sjednica Općinskog vijeća Gornji Vakuf-Uskoplje nije usvojen (6 „za”, 13 „protiv”, 3 „suzdržana”)*

Batinić G.- predsjednik OV-a

- Dajem na glasanje drugi prijedlog dopune dnevnog reda BH Bloka pod nazivom; *Razgovori o narušenoj sigurnosnoj situaciji nastali uslijed političke krize u našoj općini*

*Prijedlog dopune dnevnog reda pod nazivom; Razgovori o narušenoj sigurnosnoj situaciji nastali uslijed političke krize u našoj općini nije usvojen (5 „za”, 17 „protiv”, 0 „suzdržanih”)*

Batinić G.- predsjednik OV-a

- Dajem na glasanje treći prijedlog dopune dnevnog reda BH Bloka pod nazivom; *Informacija o gradnji nepoznatih objekata u selu Jeliči i ostalih objekata u MZ Voljevac*

*Prijedlog dopune dnevnog reda pod nazivom; Informacija o gradnji nepoznatih objekata u selu Jelići i ostalih objekata u MZ Voljevac nije usvojen ( 6 „za”, 15 „protiv”, 1 „suzdržan” )*

Batinić G.- predsjednik OV-a

- Dajem na glasanje prijedlog Općinsko načelnika, da se kao 9. tačka dnevnog reda uvrsti; *Prijedlog Rješenja o razrješenju UO JU Dom zdravlja Gornji Vakuf-Uskoplje*, te da se kao 10. tačka dnevnog reda uvrsti; *Prijedlog Rješenja o imenovanju privremenog UO JU Dom zdravlja Gornji Vakuf-Uskoplje*

*Navedeni prijedlog dopune dnevnog reda je usvojen sa većinom glasova ( 16 „za”, 6 „protiv”, 0 „suzdržanih” )*

Batinić G.- predsjednik OV-a

- Sada dajem na glasanje predloženi dnevni red sa usvojenom dopunom

*Predloženi Dnevni red sa usvojenom dopunom usvojen sa većinom glasova (16 «za», 6 „protiv”, 0 „suzdržanih”)*

## **Ad. 1.**

### **Vijećnička pitanja**

### **Odgovori i Nova vijećnička pitanja:**

Edin Gekić - BH Blok

- Na prošloj sjednici sam postavio vijećničko pitanje za SDA i HDZ BiH u vezi odgovornosti za zdravstveno stanje u državi. *Nosite li na duši ili savjesti bolesti i ljudske gubitke. Osjećate li odgovornost za nabavku respiratora i vakcina kojih još uvijek nema, a svaki dan gubimo živote naših građana ?*
  - Odgovorili ste mi da je ovo populistički nastup predsjednika OO SDP-a Gornji Vakuf-Uskoplje
  - Smatram da ste svi odgovorni za ovakvo stanje u zdravstvu jer obnašate vlast Edin Gekić - BH Blok
  - Nisam zadovoljan odgovorom koji sam dobio na pitanje oko postavljanja trakastih ležećih policajaca na magistralnom putu koji prolazi kroz Dražev Dolac ili da se postavi statički radar, očekujem neki rok da dobijem kada će se to uraditi.
1. Insistiram da se Općinskim vijećnicima dostave revizorski izvještaji Budžeta općine Gornji Vakuf-Uskoplje za 2018, 2019, 2020 godinu!
  2. Predlažem da se uradi hitna rekonstrukcija asfalta na stadionu u sklopu Osnovne škole Gornji Vakuf.
  3. Ko je odgovoran za nepostojanje Katastarskog plana općine Gornji Vakuf-Uskoplje, zašto nije urađen i kada općinska vlast planira izradom istog ?
  4. Kada načelnik općine Sead Čaušević planira realizovati predizborno obećanje, izradu i asfaltiranje stadiona u MZ Odvode ?

Kadir Kičin - BH Blok

1. Gospodine načelniče, da li ste za izgradnju novih MHE na području općine Gornji Vakuf-Uskoplje? Odnosno, prema novom prostornom planu SBK/KSB da li će biti novih MHE u našoj općini ?
2. Gospodine načelniče, kada će biti postavljena rasvjeta u selu Zastinje ? (okvirni vremenski rok )
3. Gospodine načelniče, vrijeme je za ekstenzivne poljoprivredne radove. Da li će sugrađani koji se bave poljoprivredom moći dobiti usluge JKP „Radovina” kako bi riješili poljoprivredne puteve prema svojim parcelama (planinski putevi ) ili će te se voditi praksom kao do sada da JKP „Radovina” popravlja puteve do privatnih imanja naših političkih ideala ?

4. Šta će te učiniti sa divljim deponijama (Boljkovac), i pojavom novim lokalnih divljih deponija u svim naseljima ?

Ivica Žuljević - HL

1. U prijedlogu plana održavanja i rekonstrukcije putova, za MZ Ždrimci je bilo postavljanje 1 „ležećeg policajca“ na što sam tražio dodatna 3 na različitim lokacijama. U međuvremenu su postavljena 3 na 1 lokaciji. Pitanje je zašto su sva 3 postavljena na 1 lokaciji, tko je odobrio i pod kojom osnovom je to urađeno?

Amel Hajrić - BH Blok

- Zadovoljan sam odgovorima koje sam dobio na 4 vijećnička pitanja, ali sam nezadovoljan sporom realizacijom istih
1. Na prošloj sjednici sam postavio ovo pitanje koje glasi; Kada se planira rekonstrukcija lokalnih puteva Lužani-Doci (MZ Bojska), Mašate-Grnica obzirom da je ljeta sve bliže i da su pomenuti putevi od velikog značaja za poljoprivrednike?
  2. Kada planirate asfaltiranje puta u Dražev Docu mjesto Muratspahići obzirom da znatan broj stanovništva živi u pomenutom dijelu Dražev Doca?
  3. Mještani sela Hrasnica imaju problem sa kanalizacijom. Pitanje mještana Hrasnice glasi : Da li postoji projekat za izgradnju iste? Da li je to projekat općine Gornji Vakuf-Uskoplje ili SBK Kantona ? Ako postoji projekat kada se planira njegova realizacija ?
  4. U MZ Grnica zaseok Dadići nije obuhvaćen rasvjetom i nije izgrađena rasvjeta. Stanovnici tog dijela Grnice pitaju da li se planira izgradnja rasvjete i kada? Također pitaju šta je potrebno da urade kako bi i oni dobili svjetlo u mraku? Također kada se planira izgradnja rasvjete od ulice Stara cesta do mosta Mehmeda Drine tj. put za naselje Luka ?

Crnica Kenan - BH Blok

- Prije samih vijećničkih pitanja koje želim postaviti, iskoristio bih priliku da čestitam ŽRK „Sloga“ koje su Državni prvak u kategoriji igračica godišta 2006.godina
1. Da li postoji cjelokupna dokumentacija i na osnovu kojih dozvola se vrši rekonstrukcija prostorija Stranke demokratske akcije na Bililu ?
  2. Da li općina ima u planu osnivanje nogometnog kluba koji nije diskriminirajući s obzirom da je H.N.K. „Sloga“ Gornji Vakuf-Uskoplje pustio u prodaju klupske majice sa slikom Crkve u Uskoplju te su taj način fokusirao jednu vjeru i naciju?
  3. Da li je i ako jeste po kom osnovu, isplaćivana plata Predsjedavajućem općinskog vijeća u periodu od isteka mandata do perioda ponovnog izbora na tu funkciju?
  4. Da li ima u planu asfaltiranje i postavljanje rasvjete u selu Duša?

Lelak Selvedin - Nezavisni vijećnik

1. Jeli istina da je zgrada koja se nalazi u školskom dvorištu u Voljevcu u kojoj se nalazi Pošta, Biblioteka, Mjesni ured i donedavno d.o.o. „Faik“ dobila novog vlasnika, odnosno da je novi vlasnik Općina i kakav je status objekta, koji je nekad bio lokalni kafić pošto se nalazi u istom dvorištu ?
2. Vlasnici zemljišta u Voljevcu čije se parcele nalaze sa druge strane rječice „Tuščica“ tačnije od prvog mosta pa do rijeke „Vrbaš“ pitaju postoje li ikakve imovinsko-pravne prepreke koje onemogućavaju dobivanje dozvola za građenje stambenih ili poslovnih objekata ?
3. Mještani sela „Cveče“ pitaju kada će im biti puštena u rad seoska rasvjeta ?

## **Usmeni odgovori na vijećnička pitanja**

Nije bilo usmenih odgovora

## **Ad. 2.**

## **Usvajanje Zapisnika sa 3. redovne sjednice Općinskog vijeća**

Diskusije:-

*Zapisnik sa 3. redovne sjednice Općinskog vijeća usvojen sa većinom glasova ( 17 „za“, 1 „suzdržan“, 4 „vijećnika se nisu izjasnila“ )*

### Ad. 3.

#### **Izveštaj o radu Općinskog pravobranilaštva Bugojno za razdoblje od 01.01. do 30.06.2020.godine**

Abdalajbegović A.-ispred predlagača

- Dala je kratko obrazloženje Izveštaja o radu Općinskog pravobranilaštva Bugojno za razdoblje od 01.01. do 30.06.2020.godine

Diskusije:

Jurina D.-ispred komisije za budžet i finansije

- Komisija za budžet i finansije je na svojoj sjednici održanoj 18.05.2021. godine razmatrala je Izveštaj o finansijskom poslovanju Općinskog pravobranilaštva Bugojno za razdoblje od 01.01. do 30.06.2020.godine, komisija se zbog neprisutstva Općinskog pravobranioca, kao i zbog nekompletnosti finansijskog izvještaja nije moglo odrediti po ovom izvještaju.

Batinić G.-predsjednik OV-a

- Dajem na usvajanje sljedeći Zaključak: *Prihvata se Izveštaj o radu Općinskog pravobranilaštva Bugojno za razdoblje od 01.01. do 30.06.2020.godine*

*Izveštaj o radu Općinskog pravobranilaštva Bugojno za razdoblje od 01.01. do 30.06.2020.godine usvojen sa većinom glasova ( 21 „za“, 1 „vijećnik se nije izjasnio“ )*

### Ad. 4.

#### **Izveštaj o radu JU Centar za socijalni rad Gornji Vakuf-Uskoplje za 2020.godinu i Plan rada za 2021.godinu**

Musa D.-VD direktora

- Dala je kratko obrazloženje Izveštaja o radu JU Centar za socijalni rad Gornji Vakuf-Uskoplje za 2020.godinu i Plan rada za 2021.godinu

Diskusije:

Karahodžić A.-ispred komisije za društvene djelatnosti

- Komisija je na svojoj sjednici održanoj 17.05.2021.godine razmatrala Izveštaj o radu JU Centar za socijalni rad Gornji Vakuf-Uskoplje za 2020.godinu i Plan rada za 2021.godinu, komisija daje pozitivno mišljenje na Izveštaj o radu JU Centar za socijalni rad Gornji Vakuf-Uskoplje za 2020.godinu i Plan rada za 2021.godinu

Jurina D.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 18.05.2021. godine, razmatrala je Izveštaj o finansijskom poslovanju JU Centar za socijalni rad Gornji Vakuf-Uskoplje za 2020.godinu i Plan rada za 2021.godinu, komisija daje pozitivno mišljenje na Izveštaj o radu JU Centar za socijalni rad Gornji Vakuf-Uskoplje za 2020.godinu i Plan rada za 2021.godinu

Gekić E.-ispred kluba BH Blok

- Iz ovog Izveštaja o radu JU Centar za socijalni rad sam vidio da negdje oko dva miliona KM ide na izdvajanje za socijalne pomoći, interesuje nas ko su ti korisnici, voljeli bi da dobijemo spisak korisnika socijalne pomoći da imamo neki uvid, naravno bez identifikacijskog broja, broja LK, tj. bez onoga što je zakonom zabranjeno

Musa D.-VD direktora

- Mislim da sam i u svom izlaganju spomenula da smo mi kao javna ustanova dužni čuvati profesionalnu tajnu kad su u pitanju uplate i isplate korisnicima, one idu po zakonu o socijalnoj zaštiti Kantonalnog i Federalnog nivoa

•

- Svi korisnici socijalne zaštite morali su proći upravni postupak i morali su izići na određene komisije koje djeluju na Kantonalnom i Federalnom nivou, da bi ostvarili pravo na socijalnu naknadu
- Koliko ja znam spiskovi se ne dostavljaju iz razloga što se štite naši korisnici, ali Vi se možete obratiti i to tražiti, pa ćemo vidjeti kakav će biti odgovor

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu i finansijskom poslovanju JU Centar za socijalni rad Gornji Vakuf-Uskoplje za 2020.godinu i Program rada za 2021.godinu*

*Zaključak o Izvještaju o radu i finansijskom poslovanju JU Centar za socijalni rad Gornji Vakuf-Uskoplje za 2020. godinu i Program rada za 2021 godinu usvojen sa većinom glasova ( 18 «za», 4 suzdržana" , 0 „protiv" )*

## Ad. 5.

### **Izvještaj o poslovanju i radu JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021.godinu**

Gudić N.-ispred izvjestioca

- Dala je kratko obrazloženje Izvještaja o radu JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021.godinu

Diskusije:

Karahodžić A.-ispred komisije za društvene djelatnosti

- Komisija na svojoj sjednici održanoj 17.05.2021.godine razmatrala je Izvještaj o radu JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021.godinu, komisija daje pozitivno mišljenje na Izvještaj o radu JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021.godinu

Jurina D.- ispred komisije za budžet i finansije

- Komisija za budžet i finansije i ekonomska pitanja na svojoj sjednici održanoj 18.05.2021. godine, razmatrala je Izvještaj o finansijskom poslovanju JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021.godinu, komisija daje pozitivno mišljenje na Izvještaj o radu JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021.godinu

Hajrić A.-BH Blok

- Ovo je jedan od boljih izvještaja, sve pohvale
- Imam jednu zamjerku, pod stavkom 7.; marketing, gdje ste naveli da ste aktivirali novu službenu web stranicu i da je vaš glavni cilj;... *navesti korisnike na akciju i postati institucija koja je stalno prisutna i vidljiva široj javnosti...*, a Vi zadnju vijest objavili 09.02.2020. godine, odnosno 16.02.2020. godine, to vam je kritika, trebate biti ažurni, pogotovo sada za vrijeme pandemije

Crnica K.-BH Blok

- S obzirom da je bila pandemija zaista nije bilo puno nekih sportskih i kulturnih događaja koji su se mogli realizovati
- Interesuje me pod kojim uslovima je potpisan ugovor sa firmom „Trik“ koja se reklamira na kino Sali
- Imam jednu sugestiju da se radnicima JU Centar za obrazovanje, sport i kulturu Gornji Vakuf-Uskoplje osigura „dres kod“ čisto da se razlikuju od običnih građana

Kičin K.-BH Blok

- Složio bih se sa kolegom A. Hajrić kad je u pitanju tehničko uređenje ovog izvještaja, to je jedno savršenstvo, međutim ima nekoliko nelogičnosti kada je u pitanju finansijsko poslovanje JU Centar za obrazovanje, sport i kulturu Gornji Vakuf-Uskoplje.

- Nelogično mi je da za vrijeme korone imamo zaradu od nekih 25.000,00 KM, s tim da imamo prihode od općine nekih 90.000,00 KM, nelogično mi je ako već neradi javna ustanova da se dadne 14.000,00 KM za električnu energiju.

Gudić N.-ispred izvjestioca

- Što se tiče marketinga, odnosno web stranice upravo ste posljednja vijest je bila u 2020. godini
- JU Centar za obrazovanje, sport i kulturu Gornji Vakuf-Uskoplje nema potpisan ugovor sa firmom „Trik“, nego imam potpisan ugovor sa MRK „Sloga“ a oni imaju potpisan ugovor sa firmom „Trik“, mi smo iznajmili samo fasadni dio objekta.
- Slažem se i radnici JU Centar za obrazovanje, sport i kulturu Gornji Vakuf-Uskoplje će dobiti dres kod
- Kad je u pitanju finansijski dio, moram da kažem da mi nismo bili zatvoreni cijelo vrijeme pandemije, za dva i po mjeseca koliko je bio obustavljen rad mi smo bili u službi štaba Civilne zaštite ( uposlenici naše ustanove su dežurali i dijelili smo lijekove za građane naše općine kao ispomoć Domu zdravlja)
- Općina nas redovno sufinansira i moji zaposlenici su imali redovne plate ali su imali umanjen topli obrok, tu je se napravila neka mala ušteda

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021. godinu*

*Zaključak o Izvještaju o radu JU Centar za obrazovanje, sport i kulturu Gornji Vakuf-Uskoplje za 2020.godinu i Plan rada za 2021. godinu usvojen sa većinom glasova ( 17 «za», 5 „suzdržanih“, 0 „protiv“ )*

#### **Ad. 6.**

### **Izvještaj o poslovanju JU Dječji vrtić „Zvončić“ Gornji Vakuf-Uskoplje za 2020.godinu i Godišnji plan i Program rada za pedagošku 2020/2021.godinu**

Barnjak T.-ispred izvjestioca

- Dala je kratko obrazloženje Izvještaja o radu JU Dječji vrtić „Zvončić“ Gornji Vakuf-Uskoplje za 2020.godinu i Godišnji program rada za pedagošku 2020/2021.godinu

Diskusije:

Karahodžić A.-ispred komisije za društvene djelatnosti

- Komisija na svojoj sjednici održanoj 17.05.2021.godine razmatrala je Izvještaj o radu JU Dječji vrtić „Zvončić“ Gornji Vakuf-Uskoplje za 2020.godinu i Godišnji program rada za pedagošku 2020/2021.godinu, komisija daje pozitivno mišljenje na Izvještaj o radu JU Dječji vrtić „Zvončić“ Gornji Vakuf-Uskoplje za 2020.godinu i Godišnji program rada za pedagošku 2020/2021.godinu, te predlaže Općinskom vijeću da ga usvoji

Krajina M.-ispred komisije za Statut i propise

- Komisija smatra da na prvoj strani izvještaja treba da bude memorandum ustanove

Jurina D.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 18.05.2021. godine, razmatrala je Izvještaj o finansijskom poslovanju JU Dječji vrtić „Zvončić“ Gornji Vakuf-Uskoplje za 2020.godinu i Godišnji program rada za pedagošku 2020/2021.godinu, komisija daje pozitivno mišljenje na Izvještaj o radu JU Dječji vrtić „Zvončić“ Gornji Vakuf-Uskoplje za 2020.godinu i Godišnji program rada za pedagošku 2020/2021.godinu

Kičin K.-ispred kluba BH Blok

- Ispred kluba BH Bloka podržat ćemo ovaj Izvještaj o radu JU Dječji vrtić „Zvončić“ Gornji Vakuf-Uskoplje za 2020.godinu i Godišnji program rada za 2020/2021. godinu

- Stavljamo veliki akcenat i drago nam je što imamo jednu ustanovu u kojoj je sve više i više izražena multietničnost

Barnjak T.-ispred izvjestioca

- Zahvaljujemo se na pohvalama koje ste nam iskazali
- Želim da kažem da će 30.juna 2021. godine u JU Centar za obrazovanje, sport i kulturu Gornji Vakuf-Uskoplje, održat će se naša završna svečanost i to je praksa vrtića od 2017. Godine, ovim putem želim da vas pozovem da dođete i vidite šta radimo

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu JU Dječji vrtić „Zvončić“ Gornji Vakuf-Uskoplje za 2020.godinu i Godišnji program rada za 2020/2021. godinu, uz sugestije komisije za Statut i propise*

*Izvještaj o radu JU Dječji vrtić „Zvončić“ Gornji Vakuf-Uskoplje za 2020.godinu i Godišnji program rada za pedagošku 2020/2021.godinu, uz sugestije komisije za Statut i propise usvojen jednoglasno sa ( 22 «za» )*

## Ad. 7.

### Izvještaj o radu JU Apoteka za 2020.godinu i Program rada za 2021.godinu

Dundović I.-ispred izvjestioca

- Dao je kratko obrazloženje Izvještaja o radu JU Apoteka za 2020.godinu i Plan rada za 2021.godinu

Diskusije:

Karahodžić A.-ispred komisije za

- Komisija je na svojoj sjednici održanoj 17.05.2021.godine razmatrala Izvještaj o radu JU Apoteka Gornji Vakuf-Uskoplje za 2020.godinu i Program rada za 2020/2021. godinu, komisija daje pozitivno mišljenje na Izvještaj o radu JU Apoteka Gornji Vakuf-Uskoplje za 2020.godinu i Program rada za 2020/2021.godinu

Jurina D.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 18.05.2021. godine, razmatrala je Izvještaj o finansijskom poslovanju JU Apoteka Gornji Vakuf-Uskoplje za 2020.godinu, komisija daje pozitivno mišljenje na Izvještaj o finansijskom poslovanju JU Apoteka Gornji Vakuf-Uskoplje za 2020.godinu

Kičin K.-BH Blok

- Na stranici 7. Imamo stavku Ukupno nenaplaćeni prihodi; u 2019.godini imali smo 63.863,46 KM, a u 2020 godini 76.341,93 KM. Interesuje me ko su ti koji nisu platili
- Imam veliku pohvalu za direktora jer iz ovog Izvještaja možemo vidjeti da ste sebi i svim zaposlenicima smanjili platu, to je za svaku pohvalu
- Interesuje me ako imamo isti broj zaposlenih, kako su ukupni troškovi porasli, u 2019. godini su iznosili 91.355,44 KM a u 2020. godini iznose od 106.876,78 KM.

Gekić E.-BH Blok

- Možda bi bilo logičnije da smo tražili smjenu UO JU Apoteka (vidjeli smo iz izvještaja da je dug prema dobavljačima nekih 312.000,00 KM), ona je produkt politike SDA i HDZ-a
- Bojim se da će zbog političkih procesa koji se vode ovi Izvještaji biti sve gori i gori, tako da ne predviđam svijetlu budućnost JU Apoteka koju vi zastupate, a i nama građanima koji koristimo vaše usluge.
- Ne znam kakav vam je politički cilj, može doći i do zatvaranja JU Apoteka, žalosno je da su politički procesi bitniji od naših javnih ustanova

Dundović I.-ispred izvjestioca

- Nenaplaćeni prihodi se odnose na Zavod za javno zdravstvo (široki recepti, njihova naplata), iznos se mijenja od godine do godine zavisno od broja faktura koje se ispostave



- Povećanje rashoda za zaposlene se odnosi na četvrtog zaposlenog, prošle godine je radio tri mjeseca, ove godine je radio skoro cijelu godinu
- Želim da kažem da je za pet godina vraćeno starog duga nekih 100.000,00 KM, dug postoji on nas pritiska, smanjuje nam rabat, ne znam šta će biti u budućnosti, ja se nadam najboljem

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu JU Apoteka za 2020.godinu i Program rada za 2021.godinu uz primjedbu komisije za Statut i propise*

*Zaključak o Izvještaju o radu JU Apoteka za 2020.godinu i Program rada za 2021.godinu usvojen je sa većinom glasova ( 17 «za», 4 „protiv”, 1 „suzdržan” )*

Batinić G.-predsjednik OV-a

- Dajem pauzu od 5 minuta

( Pauza od 11<sup>12</sup> do 11<sup>25</sup> )

## Ad. 8.

### a) Izvještaj o radu JU Dom zdravlja za 2020.godinu i Plan rada za 2021.godinu

Batinić G.-predsjednik OV-a

- Osmu tačku nam je podijeljena u dvije cjeline; pod a) je *Izvještaj o radu JU Dom zdravlja Gornji Vakuf-Uskoplje za 2020.godinu i Plan rada za 2021.godinu*
- Budući da ja ovdje ne vidim ispred navedene ustanove tko bi nam obrazložio navedeni izvještaj, samim tim nemamo potrebe ni za komisije, ja ovime otvaram raspravu po navedenoj tački dnevnog reda

Diskusije:

Šupčić N.-SDA

- Iskoristio bih priliku da se zahvalim svim zdravstvenim radnicima koji su za vrijeme pandemije bili na prvom udaru, bili su najviše izloženi i takođe su podnijeli najviši teret
- Kada je u pitanju Izvještaj o radu JU Dom zdravlja Gornji Vakuf-Uskoplje za 2020.godinu, smatram da je napisan šturo, te da nije u standardnoj formi pisanja izvještaja.
- Mislim da bi bilo poželjno da Općinska administracija napravi jedan standard pisanja izvještaja, kojeg bi se pridržavale sve javne ustanove prilikom izrade izvještaja, da nam se u izvještaju ne nalaze stvari koje ne trebaju biti.
- Svako onaj ko je pročitao Izvještaj o radu JU Dom zdravlja Gornji Vakuf-Uskoplje za 2020.godinu, vidio je da se finansijski i narativni dio izvještaja razlikuju i ne prate jedan drugi.
- Dostavljanje ovakvog izvještaja Općinskom vijeću na usvajanje gdje se finansijski i narativni dio izvještaja razlikuju, možemo smatrati i kao omalovažavanje nas vijećnika.

Prijčić S.-sekretar

- Forma izvještaja utvrđena je zaključkom Općinskog vijeća na prijedlog OSCE-a, otprilike ova forma Izvještaja JU Doma zdravlja je u tom pravcu
- Po tom zaključku pored ovog narativnog dijela mora ići i finansijski dio izvještaja kako je navedeno, mora ići bilans stanja i bilans uspjeha, to je obaveza i to je propisano zaključkom Općinskog vijeća.

Novaković A.-HL

- Drago mi je da smo raspravili kako izvještaj treba izgledati, izgleda baš onako kako je izgledao svih prethodnih godina, i baš onako kako je svih prethodnih godina bio najbolji, odličan, izvrsno sastavljen, pohvaljen i uvijek jednoglasno usvojen.
- Svi smo svjesni činjenice da se situacija promijenila, pogotovo način izbora, način izbora kažem namjerno, čisto da obratite na neke stvari pažnju, ono što ne znate konsultujte se i

pitajte.

- Ja sam dobila jedan zadatak, s obzirom da Naš direktor nije tu, na moj prijedlog, trebate uzeti u obzir da sam ja prvo kardiolog, možda sam i ja donekle kriva što se čovjek nije pojavio, ja sam tražila i između ovih još ljudi da se i ne pojavi, donijela sam jedno pismo za Vas koje ću ja pročitati; *Poštovani vijećnici, ovim putem Vas obavještavam da zbog zdravstvenih razloga nisam u mogućnosti prisustvovati današnjoj sjednici Općinskog vijeća, predstaviti Izvještaj o radu JU Dom zdravlja Gornji Vakuf-Uskoplje za 2020. godinu. Nadam se da ćete na današnjoj sjednici vijeća donijeti Odluku o nagrađivanju radnika Doma zdravlja za profesionalni posao koji su uradili 2020. godine, Ja se zahvaljujem što ste Vi to prepoznali.*
- Što se mene tiče, Ja lično sam mislila da ćemo mi danas diskutovati o nekakvoj nagradi, uručivanju priznanja direktoru javne ustanove, ali evo pošto već prije mene ložaci u gradu na mjesec dana pričaju o izglasavanju nepovjerenja, neću se sada nadovezivati, poslije ću.
- *Ako već direktor Doma zdravlja po Vama nije zaslužio da se predloži za najmenadžera, ili da se bar pohvali za sav trud koji je uložio u 2020. godini, nemojte zbog njega nikako da zaboravite radnike Doma zdravlja, koji su svima nama spašavali živote u prošloj godini bez ičije pomoći.*
- *Još Vas jednom molim da budete korektni, karakterni, moralni vijećnici i da poštuju zakletvu koju ste dali, s poštovanjem dr. Ejub Zukić.*

Kičin K.-ispred kluba BH Blok

- Mi smo ispred kluba BH Blok odlučili politički gledano, za nas i u našu korist, i za korist naših sugrađana koje je u proteklom periodu Dom zdravlja svojim radom iskazao podržati ovaj izvještaj, bez obzira na sve.
- Kolega Nesib je maloprije iznio kako ovaj izvještaj nije urađen kako treba, finansijski izvještaj je katastrofa, Ja sam svjestan da si ti dobio naredbu i dobio si tekst koji moraš pročitati ovdje, Ja sam svjestan toga, ali bez obzira kažem kako jeste.
- Izvještaj kao izvještaj je isti u zadnjih 5-6 godina kako sam vijećnik u Općinskom vijeću, isti non stop, i tvoje kolege iz tvoje stranke stalno su ga podržavali, zajedno sa kolegama iz HDZ-a. I sada ne valja taj izvještaj, i Ja sam ga podržavao u prethodnom periodu, ali ne možeš reći nešto što ne stoji, to je strašno licemjerno, strašno bezobrazno.
- Bez obzira na sve, trebaš iskreno reći da je politički stav SDA da neće podržati taj izvještaj i tačka, šta imaš sad pričati da je ovakav ili onakav.

Crnica K.-BH Blok

- Prvo ću krenuti od opozicije, moram da kažem da u ovih šest i po mjeseci rada, 10.500,00 KM potrošenih na nas, a mi kao opozicija nismo ništa uradili, a mi samo pričamo, nismo ih natjerali na rad, nismo ni jednim prijedlogom inicijative, nismo ništa poduzeli da mi pokažemo šta oni trebaju uraditi.
- Samo od nas iz opozicije je gora vlast, zašto je gora, zato što imamo kombinaciju ljudi koji će prodati sve za vlastite interese, i imamo kombinaciju ljudi koji nemaju hrabrost za svoj stav.

Batinić G.-Predsjednik OV-a

- Molim Vas kolega držite se tačke dnevnog reda, nemojte nam ovdje svoje političke stavove iznositi, Mi znamo dobro vaše političke stavove, držite se molim Vas tačke dnevnog reda a to je; *Izvještaj o radu JU Dom zdravlja Gornji Vakuf-Uskoplje za 2020. godinu.*

Crnica K.-BH Blok

- Ovo je uvod u Izvještaj o radu JU Dom zdravlja Gornji Vakuf-Uskoplje za 2020. godinu.

Batinić G.-Predsjednik OV-a

- Oduzimam Vam riječ, vratite se na svoje mjesto, ne možete nas tako nazivati

Čaušević S.-Općinski načelnik

- Ne trebamo Mi ovdje unositi emociju, normalna je pojava da izvještaji o radu dolaze na vijeće, postoji neka parlamentarna većina koja odlučuje i opozicija
- Opozicija može kritikovati tu većinu, ali u duhu nekog dijaloga, nekog uvažavanja i međusobnog poštovanja što Ja očekujem od svih Nas ovdje, bez obzira o kome se to radi.

- Ovdje sam izašao da kažem vezano za ovaj Izvještaj o radu JU Dom zdravlja Gornji Vakuf-Uskoplje za 2020. godinu, i poštivanju ove institucije Općinskog vijeća, Općinskog načelnika i svih Vas koji ste prisutni, da jednostavno predstavnika Doma zdravlja danas nema tu, koji je trebao doći i obrazložiti Izvještaj o radu JU Dom zdravlja Gornji Vakuf-Uskoplje za 2020. godinu.
- Toliko o tome koliko Mi poštujemo, pa da kažemo face to face ono što imamo reći, sve u tom duhu.
- Poslati dopis, i ovo nije prvi put da se na ovakav način nama obraća kao organu vlasti, dali je u pitanju Vijeće, dali je u pitanju Izvršni organ ove općine.
- Od prije nekih godinu dana, da od stane Uprave te javne ustanove idu dopisi i nezadovoljstvo prema osnivaču i prema izvršnom organu, Općini. Iz kojih razloga ja to zaista ne znam
- Evo što sam primijetio i kroz ovaj izvještaj i izvještaje iz prethodnih godina, prethodna godina je bila nešto posebno, posebne su bile i aktivnosti Doma zdravlja, sve je to trebalo u duhu propisa koji omogućuju rad te ustanove, onih mjera koje su se donosile na nivou Federacije, Kantona pa i Općine, da popratimo i postupimo po njima.
- Oni što kažu da je izvještaj isti kao i prethodnih godina, želim da kažem da na stranici 4. zadnji stav, koji je prepisan iz prethodnog izvještaja i jednostavno zamajavamo sami sebe, u smislu da su organizovana prošle godine predavanja, itd, itd.
- Komunikacija sa Općinom i Općinskim načelnikom nije spomenuta u ovom izvještaju.
- Koristim priliku da svim uposlenicima Doma zdravlja čestitam na aktivnostima koje su radili u protekloj godini, a i svi ono koji su danas podnosili izvještaj o svom radu, Izvršni organ uprave i Ja na čelu koji sam vodio tada Opštinski štab Civilne zaštite, zajedno smo djelovali da pomognemo Domu zdravlja, od finasijskog dijela do ljudskog potencijala, i u JU Centar za socijalni rad, i JU Dječji vrtić, i u JU Centar za obrazovanje, sport i kulturu i svih drugih javnih ustanova, općinskih radnika i Službe civilne zaštite koja je bila samostalna, ni jednom riječju to nije spomenuto u ovom izvještaju.
- Na strani 6. stoji da su se radili besplatni testovi ali ne stoji broj, znamo da su se radili i komercijalni testovi ali ne stoji koji broj je urađen, isto tako radila su se i izdavala i ljekarska uvjerenja ali ne stoji broj izdatih.
- Ono što je rekao vijećnik Nesib Šupčić u svojoj diskusiji da se ne slaže narativni izvještaj sa finasijskim dijelom izvještaja, žao nam je što danas nema predstavnika te ustanove da nam to objasne
- Govorimo o javnim nabavkama, također stana 7. Upravni odbor, ako uđete na portal javnih nabavki možete vidjeti da naš Dom zdravlja nije izvršio niti jednu javnu nabavku, a puno se toga trošilo
- Eksterne prepreke, praktično tu se sve svelo na Općinski organ uprave i Načelnika, i nabavka RTG uređaja i ostalog
- Na prvom sjednici štaba Općinski načelnik je odobrio 10.000,00 KM na ime nabavke dezinfekcionih sredstava i ostalog, nakon toga trebaju kreveti dali smo opet 10.000,00 KM, do danas nismo dobili izvještaj o utrošku tih sredstava
- Standardno se povlači pitanje nabavke RTG aparata, ako se sjetite sjednice Općinskog vijeća koja je održana u Domu kulture kada sam rekao da je Općinski načelnik spreman da podrži nabavku RTG aparata ali da je potrebno da se postupi u skladu sa zvaničnim procedurama, nemojte da nam se dešavaju „respiratori“, „SIPA“ i sve ostalo, provedite otvoreni postupak, kada se moglo čekati nekih godinu dana može se sačekati i nekih dvadeset dana, zašto se menadžment odlučio drugačije ne znam, ali je kriv Načelnik što nije doznačio sredstva za RTG uređaj a nisu opravdali ni onih 20.000,00 KM koje sam spomenuo.
- Ukoliko je smatrao da Načelnik nije nešto ispoštovao onda je trebao doći u ured i da riješi problem sa Općinskim načelnikom
- Na kraju krajeva ako smo rekli, i Mi, i Kanton a i Dom zdravlja zašto nismo potpisali sporazum pa da mene obaveže da sam dužan taj sporazum ispoštovati.

- Ja ovdje nemam nikakvih emocija, JU Dom zdravlja će i dalje funkcionisati i zaposleni će imati plate bio direktor Doma zdravlja Ejub Zukić ili neko drugi, isto tako bio Općinski načelnik Sead Čaušević ili neko drugi, Općina će funkcionisati
- Povjerenje koje dobije Općinski načelnik od građana, on u duhu Zakona i propisa treba da obavlja svoju dužnost odgovorno, isto tako povjerenje koje je dobio direktor od UO, odnosno od osnivača koji mu je dao suglasnost na to imenovanje takođe treba opravdati
- Ne mogu ni zamisliti da se može upustiti u konflikt sa svojim poslodavcem, odnosno svojim osnivačem i da ga ruši, to smo imali ovdje priliku vidjeti prije nekih dva-tri mjeseca, kroz pritisak na pojedine vijećnike tog direktora moglo doći do situacije da danas vijeće ne funkcionišu, i da ne izaberemo Predsjednika vijeća i da ne održimo konstituirajuću sjednicu vijeća.
- Mislim da takav odnos direktora prema osnivaču nije u duhu korektnosti

Batinić G.-Predsjednik OV

- Nemojte mi se molim Vas ubacivat u riječ, Načelnik je bio u temi odnosno u tački dnevnog reda
- Idući je kolega Crnica tražio repliku, ali Vas molim da uvažavate ovo tijelo i ljude koji sjede u njemu
- Nemojte se mi molim Vas ubacivat u riječ, Nemojte mi se molim Vas ubacivat u riječ gospodine Gekiću

Crnica K.-replika

- Molim da uđe u zapisnik da tražim audio snimak svih svojih diskusija
- Želim da kažem Načelniku da nisu u pitanju emocije, ako ćemo o emocijama, Vi ste taj koji priča o emocijama
- Komisija za budžet i finansije je na svojoj sjednici održanoj 18.05.2021. godine razmatrala je Izvještaj o finansijskom poslovanju Općinskog pravobranilaštva Bugojno za razdoblje od 01.01. do 30.06.2020.godine, komisija se zbog ne prisutstva Općinskog pravobranioca, kao i zbog nekompletnosti finansijskog izvještaja nije moglo odrediti po ovom izvještaju, a Vi ste usvojili pomenuti izvještaj.
- Vi ne znate zašto ruku dižete, Vi gospodine Načelnice ne možete naći zamjerke na rad gospodina Zukića, ni Vi ni vijećnici
- Gospodin Zukić i Dom zdravlja je jako dobro iznio teret koji je pred njega i njegove zaposlene stavila pandemija COVID 19 i sve drugo
- Nažalost on je ovdje stavljen na rub srama zbog politike, iste one politike zbog čega ste meni i svima nama iz opozicije stavili metu, što nama iz opozicije ne date da sa ove govornice kažemo šta mislimo

Gekić E.-BH Blok

- Ovaj današnji revanšizam, vidjeli smo kroz tok sjednice da će biti i smjena upravnog odbora JU Dom zdravlja, da će biti imenovanje novog UO, da će tu biti postavljen i Hajdarević i Petričević, da će tu biti postavljen i Ljubunčić, to su javne tajne koje mi poznajemo.
- Gospodine Milanoviću Ja Vama čestitam zato što ste svezali HDZ-u luđačku košulju u političkom smislu

Batinić G.-Predsjednik OV

- Nemojte me dovoditi u poziciju da vam oduzimam riječ, nemojte to raditi, oduzimam Vam riječ kolega
- Dajem pauzu od 5 minuta

( Pauza od 11<sup>53</sup> do 12<sup>00</sup> )

Duratbegović N.-ispred kluba SDA

- Na osnovu uvida u dostavljeni Izvještaj o radu JU Dom zdravlja Gornji Vakuf-Uskoplje, stav Kluba SDA ćemo iznijeti u sljedećem obrazloženju:
- Dostavljeni Izvještaj ne prikazuje pravu sliku rada JU Dom zdravlja Gornji Vakuf-Uskoplje jer u istom nisu data jasna obrazloženja pojedinih značajnih finansijskih stavki prihoda i

troškova, te podaci koji se odnose na poslovanje, a posebno na: procedure provođenja javnih nabavki, procedure odobravanja trošenja sredstava, procedure angažovanja radnika putem ugovora o djelu i lica na stručnom osposobljavanju, procedure odlučivanja o pružanju besplatnih usluga za građane drugih općina i procedure ostvarivanja besplatnih usluga za građane naše općine, što otvara sumnju u vjerodostojnost izvještaja i zakonitost poslovanja ove ustanove.

- Na strani 3. Izvještaja o radu JU Dom zdravlja Gornji Vakuf-Uskoplje navode se određene nabavke koje su provedene u 2020. godini. Za navedene nabavke, kao i druge redovne nabavke goriva, materijala, usluga nije sačinjen plan javnih nabavki, JU Dom zdravlja Gornji Vakuf-Uskoplje postupio je suprotno članu 17. Zakona o javnim nabavka, jer nije sačinio Plan javnih nabavki za 2020. godinu i isti nije objavio na interenetskoj stranici. Prilikom provođenja nabavki radova, roba i usluga JU Dom zdravlja Gornji Vakuf-Uskoplje nije postupao u skladu sa članom 6. Zakona, tj. nije provodio odgovarajuće postupke što ukazuje na nezakonito, netransparentno i neekonomično trošenje *finansijskih sredstava od Uprave „Doma zdravlja“*. Usporedbe radi, uvidom na portal E-nabavki, vidljivo je da JU Dom zdravlja Gornji Vakuf-Uskoplje nema unesen niti jedan jedini postupak javne nabavke u 2020.godini, dok JU „Dom zdravlja Bugojno“ ima provedenih 34 postupka, JU „Dom zdravlja Jajce“ ima provedenih 36 postupaka
- Jasno je da uprava JU Dom zdravlja Gornji Vakuf-Uskoplje prilikom nabavki postupala protivno Zakonu o javnim nabavkama, da je netransparentno trošila finansijska sredstva, te da su shodno članu 26. Uredbe sa zakonskom snagom o ustanovama („Službeni list RBiH“, broj: 6/92), prema kojem osnivač može razriješiti predsjednika i člana upravnog odbora i prije vremena za koje je imenovan, ako utvrdi da je odgovoran za neuspješan ili nezakonit rad ustanove, ispunjeni uslovi za smjenu upravnog odbora i uprave.
- U Izvještaju o poslovanju navodi da su isplaćene naknade za troškove uposlenih za 2020. godinu (koje su pobrojane) u iznosu od 255.282,00 KM, a iz Bilansa uspjeha za 2020 godinu vidimo da su ovi troškovi iznosili 303.948,00 KM (više za 63,60% u odnosu na 2019. godinu kada su iznosili 135.339,00 KM). Ni u jednom dijelu izvještaja nije navedeno zbog čega su navedeni troškovi povećani i koji troškovi su uzrokovali ovo povećanje, a znamo da je smanjen broj uposlenih u 2020. godinu u odnosu na 2019. godinu. Posebno je indikativno povećanje troškova toplog obroka i prevoza u 2020.godini u odnosu na 2019. godinu, iako je došlo do smanjenja broja uposlenih.
- U Bilansu uspjeha za 2020. godinu vidimo da su troškovi naknada ostalim fizičkim licima iznosili 131.298,00 KM, a u Izvještaju o poslovanju se ove naknade ne navode, pa se postavlja na koje naknade se iste odnose i po kojem osnovu su isplaćene.
- U Bilansu stanja za 2020. godinu vidimo da se vršilo zaduživanje putem kratkoročnog kredita u iznosu od 94.925,00 KM. Uvidom u stanje sredstava na tekućem računu nejasna je namjera i svrha navedenog zaduživanja. Kako se radi o značajnom iznosu sredstva, te da je za zaduživanje uprava dužna donijeti određene odluke i osigurati saglasnosti, izvještaj o radu je trebao da sadrži podatke o ovom zaduživanju, njegovoj svrsi i provedenoj proceduri. Obzirom da nismo upoznati sa navedenim smatramo da zaduživanje nema osnov, te da nisu ispoštovane procedure za postupak zaduživanja javne ustanove.
- U izvještaj o poslovanju, u dijelu koji govori o vlastitim prihodima, navedeno je da su vlastiti prihodi u 2020. godini povećani u odnosu na 2019. godinu i da su iznosili 708.527,00 KM, ali se ne navodi struktura istih. Obzirom da se radi o izuzetno značajnom iznosu finansijskih sredstava, te prihodima od aktivnosti ove ustanove jasno je da je izvještaj morao sadržavati analitički stavke ovog prihoda. U ovom dijelu, također, potrebno je bilo navesti informacije o procedurama određivanja cijena vlastitih usluga i javnoj dostupnosti istih, način naplate, te procedure za oslobađanje pojedinih kategorija.
- Kao glavna dostignuća u Izvještaju za 2020. godinu navedeno je izdavanje ljekarskih uvjerenja koja ne spadaju u primarnu zdravstvenu zaštitu, pa je nejasno kako isto može predstavljati glavno dostignuće za rad uprave. Značajno je napomenuti da uprava nije navela broj izdatih uvjerenja, da nije navedeno da nisu navedene procedure ili pravilnici po kojim se postupaprilikom izdavanja i naplate takse za uvjerenja, a što je značajno za rad jer

isto već duži niz godina opterećuje ugled ove ustanove i izaziva sumnje u zakonitost poslovanja.

- Izvještaj o radu ni jednim djelom ne prezentuje strukturu trenutno zaposlenih, lica angažovanih na ugovor o povremenim i privremenim poslovima, broj ugovora o djelu i lica na stručnom osposobljavanju. U izvještaju se ne navodi osnov i potreba za zaključivanjem ugovora o djelu (u izvještaju se navodi značajan iznos koji se izdvaja za poreze po osnovu ugovora o djelu) i ugovora o privremenim o povremenim poslovima. Na stranici 6. Izvještaja navodi se da je u 2020. godini izvršen prijem dva zaposlenika, a prema raspoloživim informacijama uprava JU Dom zdravlja Gornji Vakuf-Uskoplje u 2020. godini nije javno objavljivala javne pozive za prijem zaposlenika u radni odnos što je bila dužna shodno Uredbi o prijemu u radni odnos u javnom sektoru u Srednjobosanskom kantonu („Službene novine Srednjobosanskog kantona“, broj: 7/19).
- Pored navedenog, dana 02.03.2021. godine, nadležno Ministarstvo zdravstva i socijalne politike, informisalo je osnivača da uprava „Doma zdravlja“ od 05.02.2021. godine nije izvršila zakonsku verifikaciju medicinskih uređaja sa funkcijom mjerenja, te od tada sve pacijente tretira zakonski neispravnim opremom. Ovim činom uprava „Doma zdravlja“ postupila je suprotno odredbama Zakona o mjeriteljstvu BiH („Službeni glasnik BiH, broj: 29/00 i 19/01) i Zakona o mjeriteljstvu FBiH („Službene novine FBiH“, broj: 8/05).
- JU Dom zdravlja Gornji Vakuf-Uskoplje je suprotno interesima osnivača opremala prostorije, nabavljala opremu, uvodila nove usluge, nezakonito i netransparentno trošila sredstva za te usluge, te provodila pružanje besplatnih usluga za građane drugih općina, bez jasno pripisane procedure za načine ostvarivanja prava na besplatne usluge i izvora za pokrivanje troškova pružanja besplatnih usluga, te bez usvojenih procedura pružala besplatne usluge samo za pojedine građane dok drugi nisu znali na koji način mogu ostvariti ovo pravo.
- Izvještaj ni jednim dijelom ne prezentuje način utroška doniranih sredstava od strane građana iz inostranstva (70.000,00 KM) i Općine (20.000,00 KM). Obzirom da se radi o namjenskim sredstvima Izvještaj je morao obuhvatiti dio koji se odnosi na postupanje sa ovim sredstvima, tj. namjenu i način na koji su utrošena ova sredstava.
- Nismo zadovoljni politikom određivanja cijena usluga, načinom na koji se vrši oslobađanje pojedinih građana, uspostavljenim procedurama naplate i kontrole nadzora nad plaćanjem gotovim novcem na blagajni. Smatramo da J.U. „Dom zdravlja Gornji Vakuf-Uskoplje“, svojim netransparentnim poslovanjem ne ispunjava svrhu osnivanja, te izražavamo sumnju u zakonito poslovanje obzirom na stalne inspeksijske posjete i posjete istražnih državnih organa što šteti ugledu jedne zdravstvene institucije.
- Također, bitno je napomenuti da uprava „Dom zdravlja“ nema plan razvoja stručnih kadrova, jer već sada ima problem sa budućim kadrovima zbog toga što na vrijeme nije izvršeno slanje doktora na specijalizaciju, a specijalizacija traje 5 godina, i bićemo u situaciji da u narednim godinama nećemo imati odgovarajući specijalista, te ćemo plaćati da nam dolaze doktori iz drugih gradova.
- Smatramo da je neprihvatljivo da uprava „Doma zdravlja Gornji Vakuf-Uskoplje“ u glavnim eksternim preprekama navodi narušenu saradnju sa osnivačem, a koja je ugrožena nakon nezakonito provedenog postupka nabavke RTG uređaja. Navedeni postupak koji je proveden suprotno odredbama Zakona o javnim nabavkama može biti samo osnov za smjenu uprave JU Dom zdravlja Gornji Vakuf-Uskoplje, a ne glavna eksterna prepreka.
- Trenutno u JU Dom zdravlja Gornji Vakuf-Uskoplje imamo narušene međuljudske odnose koji štete ugledu i radu ove ustanove, narušene odnose sa vlasnikom i osnivačem (što i uprava navodi na stranici 9. Izvještaja), a sve to je pokazatelj da uprava ne zastupa interese vlasnika i osnivača, da samovoljno provodi aktivnosti koje nisu u skladu sa djelatnosti osnivanja, nisu usklađene sa zakonom, ne postupa transparentno i izgubila je povjerenje osnivača i građana.
- Također se može naglasiti da je i komisija za budžet, finansije i ekonomska pitanja Općinskog vijeća razmatrala predmetni izvještaj i dala negativno mišljenje na isti sa nizom primjedbi i kritika.

- Klub SDA u Općinskom vijeću Gornji Vakuf-Uskoplje, na osnovu iznesenih činjenica, predlaže sljedeći zaključak: *Ne prihvata se Izvještaj uprave JU Dom zdravlja Gornji Vakuf-Uskoplje za 2020.godinu i predlaže se Općinskom vijeću da pokrene proceduru smjene trenutnoj Upravi i direktoru JU Dom zdravlja Gornji Vakuf- Uskoplje.*

#### Kičin K.-BH Blok

- Ja sam ovdje došao da kažem par činjenica, ovdje nisam došao nikoga braniti, došao sam da kažem ono realno stanje kako jeste
- Kadar dr. Zukića je kadar SDA, trenutno nije i trebamo biti svjesni da je to politika a ne negativan izvještaj itd.
- Finansijski izvještaj Doma zdravlja je pozitivan, sindikat Doma zdravlja je iznio svoj stav, poslao je svima nama pismo u kojem stoji da se radnici Doma zdravlja slažu sa izvještajem Doma zdravlja
- Ja kao član SDP-a sam uvijek na strani radnika i zato ću podržati ovaj izvještaj, jer je sindikat rekao svoj stav
- Zamolio bih kolegu Nijaza Duratbegovića da mi dostavi ovaj izvještaj koji je on prezentirao za govornicom, mogu reći da sve ono što je naveo se može primijeniti za sve i jednu javnu ustanovu na našoj općini, naći ćemo većinu ovih stvari
- Samo zato što je to Dom zdravlja Vama politički ne odgovara čovjek, trebamo biti realni i iskreni
- Treba priznati i činjenicu da je SDA trenutno najjači politički lider na našoj općini
- Šta možemo reći, da je pozitivan izvještaj, da su radnici zadovoljni, da je sindikat poslao pismo i rekao svoj stav i ja ću ga podržati zbog toga

#### Gekić E.-replika

- Većinu moje diskusije koju sam mislio kazati rekao je kolega Kičin, mislio sam se osvrnuti na pismo od uposlenika Doma zdravlja, tj. sindikata
- Također izražavam svoj stav da smo strani radničkih prava, sindikata i svega onoga što smo dobili u materijalima
- Ovaj revanšizam, od radnika dobili pozitivno mišljenje, politika ne želi direktora, ovaj izvještaj je pozitivan u svakom smislu
- Ono što ste vi izanalizirali, to je vaša politika, to su vaši stavovi, ovaj revanšizam se prelina u fašizam što je jako težak oblik bolesti jednog društva
- Pitam Vas sve ovdje, ko je sutra sljedeći i ko je buduća nova meta

#### Novaković A.-ispred Doma zdravlja

- Ja sad izlazim kao ponosni član kolektiva Doma zdravlja samo da znate
- Kad kažete da nema ko zastupat Dom zdravlja, ova dva dana još ima, nemojte pogrešno shvatiti
- Poslije neće Dom zdravlja imati nikoga da ga zastupa iako ovdje sjedi nas šest
- U neke stvari imam više uvida iz razloga što sam bila član upravnog odbora, mi već znamo vaše odluke tako da nije ni bitno
- Što se tiče broja radnika, broj radnika nije isti, jer u covid godini imate veći broj volontera koje morate isplatiti, ali u smislu isplatiti, morate im osigurati bar onaj „najjadniji“ topli obrok, za koji su ljudi riskirali infekciju covidom, morate biti fer prema njima i to su te naknade o kojima se priča
- U trenutku kada se nabavlja RTG aparat, znam sigurno da dom zdravlja nije imao novac na računu iz razloga što još nismo radili testove
- Naš direktor je vizionar, on će se snaći ne brinite, mi smo četvrti u državi počeli raditi testove na covid 19. Ti testovi su komercijalni testovi kako kod nas tako i u ostalim klinikama ( Vitalis i dr. ), za sve što se naplaćuje građanima drugih općina, nisu oni građani drugog reda, oni su građani u potrebi, za sve naplaćene usluge dobili su priznanicu, to se posebno protokoliše i oni postoje zato što mi imamo direktne provjere sa granica
- Što se tiče ljekarskih uvjerenja, ljekarska uvjerenja isto tako, uostalom poslali ste nam SIPU, pa šta ste dobili ništa
- Što se tiče verifikacije uređaja, naši uređaji su novi, jer smo mi najbolji Dom zdravlja, oni su novi i vrhunski, imamo najbolje opremljenu laboratoriju u cijelom SBK-a, naši aparati su

vrh odgovorno tvrdim

- Naš aparat za ultrazvuk srca je sigurno najbolji aparat, s tim aparatom rade još samo kolege na Dedinju, znam zato što sam ga ja birala
- Mi smo jedini Dom zdravlja koji nema nikoga da radi kao doktor opće prakse, Mi smo Vam svi specijalisti, sub specijalisti i imamo tri osobe na specijalizaciji
- Mi nismo uopće tako loši kako ste nas Vi tako lijepo predstavili
- Što se tiče javnih nabavki, u javnim nabavkama je sjedio Vaš čovjek, koliko znam da se preziva Milanović, veoma fin čovjek
- Nabavka RTG aparata je prošla sve javne nabavke, sjećate li se g-dine Čauševiću moga pitanja od prošle godine (mislim da je bio peti mjesec kada je bila sjednica vijeća) kada sam ja od Vas tražila trećinu iznosa RTG aparata, Vi ste obećali (Ja taj zapisnik imam)
- Na snimku Vašeg intervjua, kada je bilo javno sučeljavanje, Vi ste bili, bio je Dražen i kandidat SDP-a na 21 minuti ste rekli da ste se bojali afere „respiratori“, niste na toj minuti rekli istinu, niste dali novac koji ste obećali
- Što se tiče Kriznog štaba održali ste jednu ili dvije sjednice, sve ostalo je prebačeno na Dom zdravlja
- Što se tiče izvještaja, izvještaj nije isti, izvještaj je puno bolji
- Ova općina je puno dobila od ljudi koji su se testirali u Domu zdravlja (ljudi su morali nešto pojest, popiti i dr.), u samom jeku pandemije mi nismo tako loše prošli
- Ja sam vrlo ponosna na ovaj Dom zdravlja, od iduće sedmice ostat ćete bez četiri doktora (koristimo svoje godišnje odmori), ostali smo bez dvanaest vanjskih saradnika, doktora

Crnica K.-BH Blok

- Hvala doktorici Novaković koja je olakšala ovaj moj izlazak jer je u svojoj diskusiji detaljno iznijela neke stavove koje sam ja mislio šturo reagovati u svojoj diskusiji
- Gospodine Duratbegoviću taj neko ili Vi sami ko vam je napisao ovaj zaista opširan komentar, doveo Vas je u jako nezavidnu situaciju iz razloga što optužujete Dom zdravlja da neradi po zakonu, izražavate sumnju u transparentnost, ne znam dali ste svjesni ali danas sutra Vi možete biti optuženi za klevetu.

Gekić E.-replika

- Doktorice, veliko hvala Vam na temeljitom izlaganju, mislim da ste iznijeli činjenice jer nemate razloga da iznosite neistinu po pitanju funkcionisanja JU Dom zdravlja
- Mislim da bi bilo korektno da i dr. marin i dr. Alisa iznesu svoje mišljenje jer su uposlenici JU Dom zdravlja, jer smo svi mi laici i nismo upoznati o činjeničnom stanju u navedenoj ustanovi
- Pitamo se dali je istina ovo što je iznio predsjednik kluba Sda ili je istina ono što je iznijela u svojoj diskusiji dr. Ana, jer mi ćemo ovdje odlučivati o instituciji i izvještaju
- Bilo bi korektno da dobijemo pravo stanje šta se zbiva i dešava tamo, da bi mi mogli donijeti neki politički stav ako je sve tako kako je rečeno
- Nemojmo se rastjerivati, nemojmo se svađati, hajmo se pomiriti, hajmo raditi, da ne bude revanšizama, prijetnji i dr.

Žuljević I.-ispred kluba HL

- Svi znate da je prilikom političkog dogovora SDA i HDZ BiH, postignut dogovor davno o delegiranju direktora javnih ustanova, pa je shodno tome SDA-u pripala JU Dom zdravlja, Centar za obrazovanje, sport i kulturu i Apoteka, dok su HDZ-u pripali JU Dječji vrtić i JU Centar za socijalni rad
- S obzirom da direktor JU Dom zdravlja nema više podršku stranke koja ga je delegirala, te primjedbe koje je iznio kolega Duratbegović, klub HL neće podržati ovaj izvještaj

Batinić G.-predsjednik OV-a

- Dajem na glasanje prijedlog Zaključka kluba SDA: *Ne prihvata se Izvještaj uprave JU Dom zdravlja Gornji Vakuf-Uskoplje za 2020.godinu i predlaže se Općinskom vijeću da pokrene proceduru smjene trenutnoj Upravi i direktoru JU Dom zdravlja Gornji Vakuf- Uskoplje.*

*Zaključak SDA usvojen je sa većinom glasova ( 16 «za», 6 „protiv“, 0 „suzdržanih“ )*



## **b) Informacija o trenutnom zdravstvenom stanju na području Općine Gornji Vakuf-Uskoplje izazvane pandemijom COVID – 19**

Batinić G.-predsjednik OV-a

- Budući da ni ovdje nemamo izvjestioca, evo ja ovom prilikom otvaram raspravu po ovoj tački dnevnog reda

Diskusije:

Karahodžić A.-SDA

- Pošto nažalost nema direktora JU Dom zdravlja Gornji Vakuf-Uskoplje da nas izvjesti o pandemiji i stanju na području općine, želim da kažem da smo svi svjedoci da ta pandemija polako jenjava
- Koristim priliku da sve nas pozovem da se pridržavamo epidemioloških mjera koje su donesene
- Želim da naglasim, kao što su to uradili Općinski načelnik, kolega Šupčić N. i ostale kolege u svojim diskusijama rekli da se pohvale uposlenici Doma zdravlja Gornji Vakuf-Uskoplje, kako medicinski tako i nemedicinski za sve ono što su uradili u proteklom periodu za vrijeme pandemije, potrebno je sa ove govornice da se to primi k znanju, da mi vijećnici općinskog vijeća pohvalimo sve uposlenike Doma zdravlja Gornji Vakuf-Uskoplje i medicinske i nemedicinske, koji su učestvovali u teškoj i mukotrpoj borbi protiv pandemije COVID 19.

Crnica K.-BH Blok

- Dr. Karahodžić je predložila da se pohvale uposlenici JU Dom zdravlja Gornji Vakuf-Uskoplje, kako medicinski tako i nemedicinski i za nagradu dobiju ovo što ste Vi maloprije usvojili
- Ja se bojim ako Vas pohvalimo dr. Karahodžić, dr. Marina da ćete i Vi doći u istu situaciju da i o Vama raspravljamo, da se dižu ruke protiv Vas

Batinić G.-predsjednik OV-a

- Općinsko vijeće Gornji Vakuf-Uskoplje prima na znanje Informaciju o trenutnom zdravstvenom stanju na području Općine Gornji Vakuf-Uskoplje izazvane pandemijom COVID – 19, JU Dom zdravlja Gornji Vakuf-Uskoplje od 04.05.2021.godine.

Batinić G.-predsjednik OV-a

- Dajem na usvajanje sljedeći zaključak: Općinsko vijeće Gornji Vakuf-Uskoplje prima k znanju Informaciju o trenutnom zdravstvenom stanju na području Općine Gornji Vakuf-Uskoplje izazvane pandemijom COVID – 19

*Zaključak o Informaciji o trenutnom zdravstvenom stanju na području Općine Gornji Vakuf-Uskoplje izazvane pandemijom COVID – 19 usvojen je sa većinom glasova ( 20 «za», 2 „vijećnika se nisu izjasnila" )*

Batinić G.-predsjednik OV-a

- Određujem pauzu od 10 minuta zbog održavanja sjednice komisije za Izbor i imenovanje

*( Pauza od 12<sup>33</sup> do 12<sup>43</sup> )*

### **Ad.9.**

## **Prijedlog Rješenja o razrješenju UO JU Dom zdravlja Gornji Vakuf-Uskoplje**

Duratbegović N.-predsjednik Komisije za izbor i imenovanje

- Komisija za Izbor i imenovanje je na današnjoj sjednici razmatrala prijedlog Općinskog

načelnika za razrješenje Upravnog odbora JU Dom zdravlja Gornji Vakuf-Uskoplje, zbog neusvajanja Izvještaja o radu, komisija daje pozitivno mišljenje na prijedlog Načelnika, te predlaže Općinskom vijeću prijedlog Rješenja o razrješenju UO Doma zdravlja

- Predsjednik i članovi Upravnog odbora JU Dom zdravlja Gornji Vakuf – Uskoplje imenovani Rješenjem Općinskog vijeća Gornji Vakuf-Uskoplje br. 01-05-102/18 od 30.08.2018.godine

Diskusije:

Crnica K.-BH Blok

- Po Statutu JU Dom zdravlja, pod tačkom 28. Član 28 stoji; Predsjednika i članove UO imenuje i razrješava Općinsko vijeće na prijedlog kantonalnog ministarstva na mandatni period od četiri godine
- Osnivač može razriješiti predsjednika i članove UO ukoliko utvrdi da je odgovoran za neuspješan i nezakonit rad ustanove, na njegov lični zahtjev, tj. prestankom radnog odnosa te u nekim drugim slučajevima
- Ne znam na osnovu čega se danas pokušava razriješiti UO Doma zdravlja, možda niste svjesni da ulazimo u koliziju sa zakonom

Batinić G.-Predsjednik OV-a

- Dakle, u članu 64. Zakona o zdravstvenoj zaštiti F BiH stoji između ostalog, ... *da Predsjednika i članove UO zdravstvene ustanove kojima je Općina osnivač, imenuje i razrješava Općinsko vijeće na prijedlog Općinskog načelnika*
- Ovo što ste Vi pročitali je u Statutu, međutim dolje dalje u navedenom članu 64. stoji;..... *da način izbora, opoziva i mandat članova UO zdravstvene ustanove vrši se u skladu s propisima o ustanovama...dakle ovo o čemu ste govorili, Statut;...ako zakonom nije drugačije određeno...ovim zakonom je drugačije određeno.*
- U članu 28. koji ste spomenuli stoji;...*da osnivač može razriješiti Predsjednika i članove UO ustanove i prije isteka mandata od četiri godine...*, tako da mislim da je sve jasno

Novaković A.-HL

- Bilo bi fino da Nam u budućnosti ne vrijeđate inteligenciju, Mi tražimo materijalne dokaze
- Šta sam ja to kao član upravnog odbora JU Dom zdravlja napravila loše, šta sam ja to kao član upravnog odbora i moje kolege napravile protuzakonito
- U razgovoru sa mojim kolegama, naravno Vi nemate materijalnih dokaza, Vi želite to jer znamo šta je krajnji cilj, sve ok, prihvatili, biće, sve štima
- Kad je u pitanju dizanje ruke, trebate biti čisto upućeni, znate kako to funkcioniše, svaki od Vas koji bude podigao ruku, neka se ne ljuti kad na svoju adresu dobije privatnu tužbu, tako da sretno bilo

Batinić G.-Predsjednik OV-a

- Dajem na glasanje Prijedlog Rješenja o razrješenju UO JU Dom zdravlja Gornji Vakuf-Uskoplje

*Prijedlog Rješenja o razrješenju UO JU Dom zdravlja Gornji Vakuf-Uskoplje usvojen sa većinom glasova ( 16 „za“, 6 „protiv“, 0 „suzdržanih“ )*

## **Ad. 10.**

### **Prijedlog Rješenja o imenovanju privremenog UO JU Dom zdravlja Gornji Vakuf-Uskoplje**

Duratbegović N.-predsjednik Komisije za izbor i imenovanje

- Komisija za Izbor i imenovanje je na današnjoj sjednici razmatrala prijedlog Općinskog načelnika za imenovanje privremenog Upravnog odbora JU Dom zdravlja Gornji Vakuf-Uskoplje
- U privremeni Upravni odbor JU Dom zdravlja Gornji Vakuf – Uskoplje, do okončanja postupka imenovanja u skladu sa zakonom, a najviše na tri mjeseca, imenuju se;

1. Luca Boškić, ispred osnivača, predsjednik
2. Sabahudin Puljarga, ispred osnivača član
3. Esmir Hajdarević, ispred osnivača, član
4. Ante Petričević, ispred zaposlenika, član
5. Aldin Ljubunčić, ispred kan. ministarstva član

Diskusije:-

Batinić G.-Predsjednik OV-a

- Dajem na glasanje Prijedlog Rješenja o imenovanju privremenog UO JU Dom zdravlja Gornji Vakuf-Uskoplje

*Prijedlog Rješenja o imenovanju privremenog UO JU Dom zdravlja Gornji Vakuf-Uskoplje usvojen sa većinom glasova ( 16 „za“, 6 „protiv“, 0 „suzdržanih“ )*

### **Ad. 11.**

#### **Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.03.2021.godine**

Milić N.-ispred izvjestioca

- Dao je kratko obrazloženje Izveštaja o izvršenju budžeta općine Gornji Vakuf-Uskoplje za razdoblje od 01.01. do 31.03.2021.godine

Diskusije:

Jurina D.-ispred komisije za budžet, finansije i ekonomska pitanja

- Komisija za budžet, finansije i ekonomska pitanja na sjednici održanoj 18.05.2021. godine razmatrala je Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.03.2021.godine, komisija daje pozitivno mišljenje na Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.03.2021.godine

Batinić G.-predsjednik OV-a

- Dajem na usvajanje sljedeći Zaključak: *Prihvata se Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.03.2021.godine*

*Zaključak o Izveštaju o izvršenju budžeta općine Gornji Vakuf-Uskoplje za razdoblje od 01.01. do 31.03.2021. godine usvojen ( 16 „za“, 3 „protiv“, 1 „suzdržan“ )*

### **Ad. 12.**

#### **Program rada Općinskog načelnika za 2021. godinu**

Čaušević S.- Općinski načelnik

- Dao je kratko obrazloženje prijedloga Programa rada Općinskog načelnika za 2021. Godinu
- Posebnu pažnju u 2021. godini ćemo posvetiti realizaciji budžetskih prihoda, posebno ovih neporeznih
- Ovaj Program rada je koncipiran prema budžetu kojim mi raspolažemo, samo nastavljamo gdje smo stali u prethodnoj godini

Diskusije:

Novaković M.-HL

- Interesuje me kada bi okvirno, vremenski trebala krenuti druga faza rekonstrukcije ulica

Crnica K.-BH Blok

- Zanima me dali će se sprovesti javna rasprava po pitanju druge faze rekonstrukcije gradskih ulica i urbanog dijela i dali općina radi u koordinaciji sa mjesnim zajednicama u kojima će se raditi druga faza

Gekić E.-BH Blok

- Moje vijećničko pitanje je bilo u vezi Katastarskog plana općine, znam da je to kompleksno pitanje, pretpostavljam da to ne ide lako a pogotovo u ovim malo „zgusnutijim“ podnebljima, vjerujem da će to biti jako teško uraditi, možda se neke stvari neće ni riješiti
- Konkretno zbog nesavjesnosti u radu općinskih Službi, općina Gornji vakuf-Uskoplje zajedno sa Kupresom je katastarska „džungla“, ljudi će teško moći dokazati ono što je bilo njihovo

Čaušević S.- Općinski načelnik

- Sljedeće sedmice ćemo imati potpisivanje ugovora, a onda na osnovu tog ugovora izvođač ima prostora da nabavi cijevi koje se tu ugrađuju, ne vidim razloga da izvođač ne iziđe na teren u roku od 15 dana od potpisivanja ugovora
- Mi smo prije nekih 4-5 godina donijeli urbanističku i građevinsku dozvolu za ovaj prostor gdje se radi faza jedan i faza dva, mi smo ih podijelili zbog finansijske konstrukcije, jer nismo mogli obezbijediti finansijska sredstva za kompletnu rekonstrukciju
- Svaki stanovnik mjesnih zajednica je veoma bitan, pogotovo kada su u pitanju sami priključci na vodovodnu i kanalizacionu mrežu
- Mi smo nekih pet općina bili „robovi“ Federacije, do danas nije donesen Zakon o katastru, 2002-2003. godine je pripremano javno izlaganje katastarskih općina, 2004. godine Federalna uprava je zaustavila javno izlaganje na prostoru naše općine, kada su bile izložene katastarske općine Uzričje i Bojska, prekinuto je na k.o. Bistrica
- Prijedlog Federalne i Kantonalne uprave je da se formira još jedna komisija od ljudi iz vana (geodeta, pravnika) pa da ubrzamo ovaj proces, da bi neke 2025-2026. godine završili posao o javnom izlaganju katastarskih općina, da bi mogli uspostaviti katastarski plan općine, odnosno katastra.

Batinić G.-predsjednik OV-a

- Dajem na usvajanje sljedeći Zaključak: *Prihvata se prijedlog Programa rada Općinskog načelnika za 2021. godinu*

*Zaključak o Prijedlogu Programa rada Općinskog načelnika za 2021. godinu usvojen sa većinom glasova ( 16 „za“, 3 „protiv“, 1 „suzdržan“ )*

**Ad. 13.**

## **Nacrt Odluke o osnivanju općinskog pravobranilaštva Gornji Vakuf-Uskoplje**

Prijic S.-ispred predlagača

- Dao je kratko obrazloženje u vezi Nacrta Odluke o osnivanju općinskog pravobranilaštva Gornji Vakuf-Uskoplje

Diskusije:

Krajina M.-komisija za statut i propise

- Ako u okviru jednog člana imamo samo jednu tačku onda se po pravilu ne stavlja broj, pa tako u članu; 1,2,6,7 itd. gdje imamo samo jedan stav, nema potrebe da stavljamo broj 1.

Batinić G.-predsjednik OV-a

- Dajem na usvajanje sljedeći Zaključak: *Prihvata se nacrt Odluke o osnivanju Općinskog pravobranilaštva Gornji Vakuf-Uskoplje, kao dobra osnova za izradu prijedloga Odluke, te utvrđuje obaveza predlagaču da na osnovama nacrta Odluke, primjedbi i sugestija vijećnika*

*i drugih diskutiranih sa ove sjednice Vijeća utvrdi konačan prijedlog Odluke i dostave je za prvu narednu sjednicu Općinskog vijeća Gornji Vakuf-Uskoplje.*

*Zaključak o nacrtu Odluke o osnivanju Općinskog pravobranilaštva Gornji Vakuf-Uskoplje usvojen sa većinom glasova ( 19 „za“, 0 „protiv“ , 1 „suzdržan“ )*

#### **Ad. 14.**

##### **Prijedlog Rješenja o razrješenju predsjednika Općinske izborne komisije**

Duratbegović N.-predsjednik Komisije za izbor i imenovanje

- Komisija za Izbor i imenovanje je na svojoj sjednici održanoj 21.04.2021. Godine, razmatrala je ostavku Sofić Osmana na poziciju predsjednika Općinske izborne komisije iz privatnih razloga, te zbog tih okolnosti predlaže Općinskom vijeću da donese Rješenje o razrješenju imenovanom sa pozicije predsjednika Općinske izborne komisije

Diskusije:

Prijčić S.-sekretar

- Pošto sam ja uređivač ovog akta, predlažem da se iz tačke I briše ovaj dio teksta;...*sa 01.04.2021.godine...*, jer će rješenje stupiti na snagu kada dobijemo suglasnost Centralne izborne komisije

Batinić G.-predsjednik OV-a

- Dajem na glasanje Prijedlog Rješenja o razrješenju predsjednika Općinske izborne komisije

*Prijedlog Rješenja o razrješenju predsjednika Općinske izborne komisije usvojen jednoglasno ( 20 „za“ )*

#### **Ad. 15.**

##### **Prijedlog Odluke o pokretanju postupka za imenovanje predsjednika i jednog člana Općinske izborne komisije**

Duratbegović N.-ispred komisije za izbor i imenovanje

- Na istoj sjednici komisija za izbor i imenovanje razmatrala je pristigli akt CIK-a o potrebi popune pozicije člana Općinske izborne komisije od 11.01.2021. godine, a uvažavajući podnesenu ostavku gosp. Osmana Sofića na poziciju predsjednika Općinske izborne komisije, te zbog tih okolnosti komisija za izbor i imenovanje predlaže Općinskom vijeću Gornji Vakuf-Uskoplje donošenje Odluke o pokretanju postupka za imenovanje predsjednika i jednog člana Općinske izborne komisije

Diskusije:

Gekić E.-BH Blok

- Predsjedniku bivšem istekao mandat, nagrađen je za ono što je uradio, Ja sam na sudu sa njim i poželio bih budućoj Općinskoj izbornoj komisiji da vodi računa i da nam se nebi trebale dešavati stvari koje su se dešavale u proteklom periodu
- Ne smije se desiti favoriziranje biračkih odbora, lobiranje za raznorazne političke organizacije, nadam se da će to biti korektno, časno i pošteno
- Znamo da je bivši predsjednik Općinske izborne komisije kroz udruženje građana podržao jednog kandidata u tim partijskim previranjima SDA, smatram da je svima u interesu da se takve stvari ne dešavaju

- Batinić G.-predsjednik OV-a
- Dajem na glasanje Prijedlog Odluke o pokretanju postupka za imenovanje predsjednika i jednog člana Općinske izborne komisije

*Prijedlog Odluke o pokretanju postupka za imenovanje predsjednika i jednog člana Općinske izborne komisije usvojen sa većinom glasova ( 16 „za“, 2 „protiv“, 2 „suzdržana“ )*

## **Ad. 16.**

### **Akti imovinsko pravne službe;**

#### **a) *Prijedlog Zaključka o davanju saglasnosti za raskid ugovora o kupovini nekretnine za potrebe regionalne sanitarne deponije***

Čaušević S.-Općinski načelnik

- Dao je kratko obrazloženje u vezi prijedloga Zaključka o davanju saglasnosti za raskid ugovora o kupovini nekretnine za potrebe regionalne sanitarne deponije

Diskusije:

Gekić E.-BH Blok

- Nadovezao bih se na diskusiju gosp. Čauševića, znači ovo pet rata što smo uplatili nećemo vraćati, možemo li izvršiti povrat tih sredstava
- Koje su buduće namjene tog lokaliteta koje smo mi platili
- Dali je došlo do realizacije i koliko je sredstava Svjetska banka prebacila na račun Regionalne deponije
- Iz kojih sredstava se finansirala uprava, Upravni odbor, Nadzorni odbor i direktor tadašnjeg preduzeća kojem je na čelu bio predsjednik kluba SDA

Čaušević S.-Općinski načelnik

- U kontaktu tada sa upravom Rudnika uspjeli smo ovaj dio na ovaj način da završimo
- Nemam ja podatke sada ovdje koliko je novaca prebačeno, neradi se o dva miliona da je neko nekome prebacio, na osnovu tih kreditnih sredstava finansirala je se izrada projekta i svega ostalog i u jednom dijelu i plate i sve ono što pripada iz radnog odnosa upravi preduzeća
- Federalno ministarstvo okoliša i turizma sa iznosom od nekih 10% koliko se sjećam, mislim da je nekih 290.000,00 KM koštala izrada projekta i svega ostalog

Batinić G.-predsjednik OV-a

- Dajem na usvajanje prijedlog Zaključka o davanju saglasnosti za raskid ugovora o kupovini nekretnine za potrebe regionalne sanitarne deponije

*Prijedlog Zaključka o davanju saglasnosti za raskid ugovora o kupovini nekretnine za potrebe regionalne sanitarne deponije usvojen sa većinom glasova ( 16 „za“, 4 „protiv“, 0 „suzdržanih“ )*

#### **b) *Prijedlog Odluke o prodaji nekretnine označene kao k.č. 11/78 k.o. SP\_Gornji Vakuf (stari premjer), k.p. 1092/12 k.o. Gornji Vakuf (novi premjer)***

Čaušević S.-Općinski načelnik

- Dao je kratko obrazloženje u vezi prijedloga Odluke o prodaji nekretnine označene kao k.č. 11/78 k.o. SP\_Gornji Vakuf (stari premjer), k.p. 1092/12 k.o. Gornji Vakuf (novi premjer)

Diskusije:

Kičin K.-BH Blok

- Dosada smo uvijek imali šematski prikaz te parcele, danas to nemamo pred sobom, predložio bih da se ubuduće to pripremi

*Prijedlog Odluke o prodaji nekretnine označene kao k.č. 11/78 k.o. SP\_Gornji Vakuf (stari premjer), k.p. 1092/12 k.o. Gornji Vakuf (novi premjer) usvojen sa većinom glasova ( 17 „za“, 1 „suzdržan“ , 2 „vijećnika se nisu izjasnila“)*

**c) Prijedlog Odluke o prodaji nekretnine označene kao k.č. 11/81 k.o. SP\_Gornji Vakuf (stari premjer), k.p. 1110/3 k.o. Gornji Vakuf (novi premjer)**

Čaušević S.-Općinski načelnik

- Dao je kratko obrazloženje u vezi prijedloga Odluke o prodaji nekretnine označene kao k.č. 11/81 k.o. SP\_Gornji Vakuf (stari premjer), k.p. 1110/3 k.o. Gornji Vakuf (novi premjer)

Diskusije:-

*Prijedlog Odluke o prodaji nekretnine označene kao k.č. 11/81 k.o. SP\_Gornji Vakuf (stari premjer), k.p. 1110/3 k.o. Gornji Vakuf (novi premjer) usvojen sa većinom glasova ( 17 „za“, 3 „vijećnika se nisu izjasnila“)*

**d) Prijedlog Odluke o prodaji nekretnine označene kao k.č. 11/79 k.o. SP\_Gornji Vakuf (stari premjer), k.p. 1092/13 k.o. Gornji Vakuf (novi premjer)**

Čaušević S.-Općinski načelnik

- Dao je kratko obrazloženje u vezi prijedloga Odluke o prodaji nekretnine označene kao k.č. 11/79 k.o. SP\_Gornji Vakuf (stari premjer), k.p. 1092/13 k.o. Gornji Vakuf (novi premjer)

Diskusije:-

*Prijedlog Odluke o prodaji nekretnine označene kao k.č. 11/79 k.o. SP\_Gornji Vakuf (stari premjer), k.p. 1092/13 k.o. Gornji Vakuf (novi premjer) usvojen sa većinom glasova ( 17 „za“, 3 „vijećnika se nisu izjasnila“)*

**e) Prijedlog Odluke o prodaji nekretnine označene kao k.č. 11/80 k.o. SP\_Gornji Vakuf (stari premjer), k.p. 1092/14 i k.p.1110/2 k.o. Gornji Vakuf (novi premjer)**

Čaušević S.-Općinski načelnik

- Dao je kratko obrazloženje u vezi prijedloga Odluke o prodaji nekretnine označene kao k.č. 11/80 k.o. SP\_Gornji Vakuf (stari premjer), k.p. 1092/14 i k.p. 1110/2 k.o. Gornji Vakuf (novi premjer)

Diskusije:-

*Prijedlog Odluke o prodaji nekretnine označene kao k.č. 11/80 k.o. SP\_Gornji Vakuf (stari premjer), k.p. 1092/14 i k.p. 1110/2 k.o. Gornji Vakuf (novi premjer) usvojen sa većinom glasova ( 17 „za“, 3 „vijećnika se nisu izjasnila“)*

*Sjednica završena u 13<sup>26</sup> sati.*

SEKRETAR

Prijić Senad

ZAPISNIČAR  
Redžić Hidajet

PREDSJEDNIK OPĆINSKOG VIJEĆA  
Batinić Goran